

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Mā te tuakana, ka tōtika te teina

Aronga: Toi Puoro 1.2C

Paerewa Paetae: Toi Puoro 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai koe i ngā tukanga toi puoro ki te whakarite whakaaturanga whakatangi puoro.

Te horopaki

Ko tāu nā mahi he waihanga ataata mō t/ētahi toi puoro Māori hei rauemi mā ngā tēina o te kura.

Kei te ako ngā tēina o te kura i ngā mahi taonga puoro Māori. Ka mahi takirōpū koutou ki te whakarite, ki te waihanga hoki i t/ētahi ataata e whakamārama ana i ngā kōrero mō t/ētahi toi puoro Māori.

Ka aromatawaingia tāu whakaatu māramatanga ki ngā tukanga toi puoro i roto i ngā mahi whakarite ataata.

Hei mahi

Kōwhiria t/ētahi momo toi puoro Māori hei kaupapa mō tā koutou ataata. Rangahaua ngā kōrero e hāngai ana ki taua momo toi puoro, arā, tōna whakapapa, tōna hanga, ōna wāhanga tae atu ki te mahi whakatangitangi.

Matapakihia ka pēhea tā koutou whakamārama i ngā kōrero nei kia mārama ai ki ngā tēina o te kura. Kei a koutou anō hoki te whakatau mō te momo ataata, arā, he whakaari rānei, he kiriata rānei, he pakipūmeka rānei. Whakawehea ngā mahi kia riro tētahi mā tēnā, mā tēnā o te rōpū, ā, tuhia ngā kōrero me ngā whakaaro katoa ki tāu ake hautaka.

Waihangatia tā koutou ataata.

Kōrero Āpiti

tukanga toi	Ko ngā tukanga ngā hātepe ka whāia kia tutuki ai tētahi whāinga. Hei tēnei ngohe, ko ngā tukanga katoa tērā e hāngai ana ki ngā taonga puoro Māori.
-------------	--